

քարկելու հնարավորությունը տրված է յուրաքանչյուր անձի, բացի այդ, ինչպես հայցադիմումի, այնպես էլ Պատասխանողի կողմից ներկայացված թվով երեք Հայտարարությունների բովանդակությունը հետևում է, որ Հայցվորը հանդիսանում է շահագրգիռ անձ, քանի որ պարբերաբար պարզաբանումներ է պահանջել հրավերի վերաբերյալ և բարձրաձայնել հարցեր, որոնք վերաբերում են հրավերին:

Դատարանը միաժամանակ կարևորում է այն, որ տրամագծորեն հակառակ դիրքորոշումն ընդունելի համարվելու դեպքում՝ Օրենքի 46-րդ հոդվածի վկայկոչված իրավունքը կդառնար ձևական և չէր ապահովվի այն նպատակի իրագործումը, որի համար այն կյանքի է կոչված, քանի որ յուրաքանչյուր անձ, երբ որևէ տարակարծություն ունենար գնման առարկայի բնութագրերը, նախատրակավորման հայտարարության կամ հրավերի պահանջների հետ, ապա զրկված կլիներ դրանք բողոքարկելու իրավունքից և ինչու չէ հետագայում հարցի դրական լուծում ստանալու դեպքում՝ մրցույթին մասնակցելու հնարավորությունից:

Արդյունքում, Դատարանը գտնում է, որ նշված փաստական հանգամանքների վերաբերյալ արտահայտած եզրահանգումներն արդեն իսկ բավարար են հայցը բավարարելու համար, ուստի մյուս փաստերի գնահատմանը չի անդրադառնում:

Հետևաբար, Պատասխանողի գնահատող հանձնաժողովի 04.08.2023թ. թիվ 1 որոշմամբ մեկ փուլով՝ էլեկտրոնային գնումների բաց մրցույթի հրավերը ենթակա է անվավեր ճանաչման:

Միաժամանակ, Դատարանն անդրադառնալով գործին մասնակցող անձանց միջև դատական ծախսերի բաշխման հարցին, գտնում է հետևյալը.

ՀՀ քաղաքացիական դատավարության օրենսգրքի 101-րդ հոդվածի համաձայն՝ դատական ծախսերը կազմված են պետական տուրքից և գործի քննության հետ կապված այլ ծախսերից:

ՀՀ քաղաքացիական դատավարության օրենսգրքի 109-րդ հոդվածի 1-ին կետի համաձայն՝ դատական ծախսերը գործին մասնակցող անձանց միջև բաշխվում են բավարարված հայցապահանջների չափին համամասնորեն:

Վերոգրյալի հիման վրա և նկատի ունենալով, որ հայցը ենթակա է բավարարման, Դատարանը գտնում է, որ Պատասխանողից հոգուտ Հայցվորի պետք է բռնագանձել 200.000 ՀՀ դրամ, որպես բավարարված հայցապահանջին համարժեք նախապես վճարված պետական տուրքի գումար:

Ելնելով վերոգրյալից և ղեկավարվելով ՀՀ քաղաքացիական օրենսգրքի 198-րդ հոդվածով, Դատարանը.

Վ Ճ Ո Ւ Յ

ՀՀ ԱՆՆԱՐԿԱ>> ՍՊԸ-ի հայցն ընդդեմ ՀՀ Ռադիոհիդրոտոպների արտադրության կենտրոն>> ՓԲԸ-ի՝ թիվ ՌԱԿ-ԲՄԱՊՁԲ-23/6 ծածկագրով գնահատող հանձնաժողովի 04.08.2023թ. թիվ 1 որոշմամբ մեկ փուլով՝ էլեկտրոնային գնումների բաց մրցույթի հրավերն անվավեր ճանաչելու պահանջի մասին, բավարարել:

Անվավեր ճանաչել ՀՀ Ռադիոհիդրոտոպների արտադրության կենտրոն>> ՓԲԸ-ի՝ թիվ ՌԱԿ-ԲՄԱՊՁԲ-23/6 ծածկագրով գնահատող

